

TEKS UCAPAN

**YANG DIPERTUA
MAJLIS PERBANDARAN SEBERANG PERAI
SEMPENA
MAJLIS ANGKAT SUMPAH DAN PENERIMAAN JAWATAN
AHLI MAJLIS- AHLI MAJLIS MPSP 2015
7 JANUARI 2015 (RABU), JAM 9:00 PAGI
DI DEWAN KENANGA, MPSP**

.....

Yang Amat Berhormat **Tuan Lim Guan Eng**
Ketua Menteri Pulau Pinang

Yang Berhormat **Dato' Haji Mohd Rashid bin Hasnon**
Timbalan Ketua Menteri 1

Yang Berhormat **Tuan Prof Dr Ramasamy a/l Palanisamy**
Timbalan Ketua Menteri 2

Yang Berhormat **Tuan Chow Kon Yeow**
Pengerusi MMK Kerajaan Tempatan, Pengurusan Lalulintas dan
Tebatan Banjir

Yang Berhormat **Ahli-Ahli EXCO Kerajaan Negeri Pulau Pinang**

Yang Berhormat **ADUN-ADUN Negeri Pulau Pinang**

Yang Berhormat **Ahli-Ahli Parlimen Negeri Pulau Pinang**

Yang Dihormati Tuan-tuan dan Puan-puan
Yang bakal mengangkat sumpah sebagai Ahli Majlis,

Majlis Perbandaran Seberang Perai

Yang Berusaha **Tuan Sr Haji Rozali bin Haji Mohamud**

Setiausaha Majlis Perbandaran Seberang Perai

Yang Berusaha **Tuan Ir Ang Aing Thye**

Setiausaha Majlis Perbandaran Seberang Perai

Ketua-Ketua Jabatan

Para Wakil Media

Para hadirin yang saya hormati sekalian

.....
Assalamualaikum warahmatullahi wabarakatuh dan Salam
Sejahtera

Alhamdulillah, bersyukur kita kehadiran Allah S.W.T kerana dengan izin dan limpah kurniaNya dapat kita bersama-sama berhimpun pada hari ini untuk Majlis Angkat Sumpah dan Penerimaan Jawatan Ahli Majlis 2015. Terlebih dahulu saya bagi pihak Majlis Perbandaran Seberang Perai ingin merakamkan ucapan setinggi-tinggi penghargaan dan terima kasih kepada YAB Tuan Lim Guan Eng, Ketua Menteri Pulau Pinang dan semua yang hadir pada pagi ini. Tidak terlambat rasanya, saya ingin mengucapkan Selamat Tahun Baru 2015 kepada semua.

Kesempatan ini, saya mengucapkan ribuan terima kasih kepada semua Ahli Majlis tahun 2014 yang telah banyak bekerjasama dalam memberi pandangan dan cadangan serta bersama-sama mentadbir ke arah penyampaian perkhidmatan yang cemerlang sepanjang tahun 2014. Saya juga ingin mengucapkan tahniah kepada Ahli Majlis-Ahli Majlis tahun 2015 yang akan mengangkat sumpah penerimaan jawatan sebagai Ahli Majlis MPSP tahun 2015 sebentar nanti.

Pelantikan ini adalah bagi tempoh dari 7 Januari 2015 sehingga 31 Disember 2015. Seramai 24 Ahli Majlis yang telah dilantik dimana 18 adalah Ahli Majlis sedia ada, manakala 6 lagi adalah Ahli Majlis baru. Saya yakin pemilihan tuan-tuan dan puan-puan oleh Kerajaan Negeri Pulau Pinang adalah tepat. Pengalaman dan ilmu pada tuan-tuan dan puan-puan saya percaya boleh membantu MPSP menggubal dasar untuk pembangunan mampan yang bertaraf antarabangsa disamping berganding bahu dalam meningkatkan mutu penyampaian dan perkhidmatan kepada *stakeholders* di Seberang Perai.

Saya berharap Ahli Majlis-Ahli Majlis yang dilantik akan bersama-sama dengan MPSP untuk merealisasikan Pelan Strategi Lima Tahun MPSP (2014-2018) dan membantu pentadbiran MPSP

mencapai perkhidmatan bertaraf antarabangsa sebagaimana yang diharapkan oleh Kerajaan Negeri dan penduduk Seberang Perai.

Pelancaran Fokus 2015

Untuk makluman semua, MPSP telah menyediakan Fokus MPSP 2015 bersama-sama dengan Ahli Majlis 2014 dan saya berharap Ahli Majlis yang baru dilantik ini akan meneruskan usaha untuk melaksanakan Fokus MPSP 2015 sehingga ke akhir tahun. Pada hari ini , saya menjemput YAB Ketua Menteri untuk melancarkan Fokus MPSP 2015. 9 fokus telah dibentuk iaitu:

1. Kebersihan
2. Keselamatan & Lalulintas
3. Penguatkuasaan Undang-Undang
4. Kawalan Banjir
5. Pengindahan, Kehijauan dan Kemudahan Awam
6. Penglibatan Komuniti
7. Pembinaan Kapasiti
8. Pengukuhan Fiskal
9. Kecekapan Proses Kerja

Fokus MPSP 2015 ini adalah kesinambungan dari Fokus MPSP 2014. Sebanyak 44 program dan 129 aktiviti telah dirangka untuk dilaksanakan pada tahun ini.

Pencapaian MPSP 2014

MPSP telah mendapat banyak pengiktirafan sepanjang tahun 2014. Di antara pengiktirafan pensijilan yang diperolehi di akhir tahun 2014 ialah:

- Pengiktirafan yang boleh dibanggakan ialah Persijilan ISO 50001:2011 (EnMS) dalam usaha untuk mengurangkan kos elektrik yang semakin meningkat.
- Audit Pematuhan 5S telah diadakan di MPSP pada 3 Disember 2014. MPSP telah dipersijilkan untuk pensijilan 5S/QEMS(Quality Environment Management System). MPSP telah bermula dari tahun 2004 untuk mendapatkan pensijilan 5S. MPSP telah berjaya dipersijilkan pada 3 Disember 2014. Usaha gigih 10 tahun berhasil jua. Pelaksanaan amalan 5S dapat membina sikap dan disiplin pekerja yang positif dan mewujudkan persekitaran kerja yang berkualiti seterusnya dapat meningkatkan produktiviti dan kualiti kerja melalui sistem penyampaian yang efektif dan mengurangkan kos pengurusan. Sempena dengan pensijilan terbaru ini, MPSP akan melancarkan *Letterhead* yang baru.

Yang Amat Berhormat, Yang Berhormat, Tuan-tuan dan Puan-puan sekalian,

Pada kesempatan ini, saya bagi pihak semua kakitangan MPSP sekali lagi mengucapkan tahniah kepada Ahli Majlis-Ahli Majlis yang telah dilantik oleh Kerajaan Negeri Pulau Pinang. Tahun 2015 adalah merupakan tahun yang amat mencabar bagi MPSP. Bajet 2015 MPSP telah diluluskan dan bajet adalah defisit sebanyak RM30 juta di mana pendapatan adalah berjumlah RM213 juta dan perbelanjaan RM243 juta. Kami akan bekerjasama dengan Ahli Majlis sebagai satu pasukan yang jitu untuk memberikan penyampaian perkhidmatan yang terbaik. Seterusnya dapat membawa Seberang Perai ke tahap antarabangsa. Dengan harapan tersebut saya sudahi ucapan saya dengan Wabillahi taufiq wal hidayah, wassalamu 'alaikum warahmatullahi wabarakatuh.

Sekian, terima kasih.